

(钦定)平定七省方略

北京中国书店印行



欽定平定陝甘新疆回匪方略卷二百六己巳年

十月二十六日甲子左宗棠奏言八月二十八日

夜劉松山營拏獲賊探訊據供稱吳繼堡北二里許顧家寨馬家寨踞賊本陝而曰彥虎黨夥因屢敗膽寒約今夜移向寨後而以陝回崔三所部賊黨填踞顧馬兩寨劉松山以兩寨相距不過數十丈當飭各營分兩路前進親率隊伍

相機策應並分布左右兩支稍取遠勢以拒各
堡援賊行抵該寨提督何作霖等從中路衝入
兩路之兵槍礮齊施寨內寨外之賊均震懼失
措自相蹂藉提督易致中乘勢破其外卡譚拔
萃等越壕而入將寨內賊匪四五百名悉行殲
斃二十九日馬化澂卽赴劉松山營中稟求停
兵待其勸導陝回聽候核辦劉松山令其呈繳

戰馬軍器九月初三至十二等日馬化潞呈遞
陝回禹得彥稟結並陸續呈繳擡槍七十桿戰
馬七十匹而賊中修寨掘壕並未少息劉松山
知其情僞於十三日親帶馬步隊伍赴余家湖
查看賊壕金積堡馬賊蜂擁而來吳忠堡賊匪
亦相繼出隊意圖抄截劉松山揮隊衝殺一面
飛調蕭章開等各率所部繼進賊見大隊齊至

立即驚潰回守堡寨劉松山麾軍截擊各營將士乘勢直抵堡下猱騰而上連克兩堡計共斃賊八九百名生擒一百三十八名內有賊目毛遂生馬阿忻馬光發三名一併正法十四日賊於吳忠堡南決開秦渠逼水東流吳忠堡東南一帶平陸成川賊仍併力加土修壩劉松山飭何作霖等進逼賊壘該逆憑壘抗拒官軍奮力

進攻忽西北騎賊約一二千奔突來援衝過水漫溝蕭章開等仍併力環攻賊不能支棄壘逃竄官軍乘勢將水漫溝壩頭決開大溜西趨蕭章開等卽督馬步各營追剿賊向溝西潰走被水衝溺者不計其數立將溝東賊寨攻破共殺悍賊六百有奇生擒七十四名立卽斬決十六日水勢漸消各堡之賊仍加掘長壕是夜劉松

山傳令各營攜帶鉏鍤草束向水漫溝銜枚而進距溝半里許賊始驚覺憑壕開槍官軍擲草掀土平壕齊進賊勢不支向西路劉家寨等處退避劉松山飭步軍踰溝猛躡賊因官軍追急未及入寨紛紛撲壕官軍乘勢掩殺屍積壕塹將士卽藉賊屍躍過奪門而入同時將三寨攻破寨內外之賊斬殺淨盡劉松山卽督所部進

攻王家莊梁家莊兩堡又克之計共斃賊一千
五百餘名除陳家寨回目陳添玉王家寨回目
馬合義於兵到時逸出外其餘三寨頭目馬大
舉馬奮剛哈得招均經陣斬生擒逆回一百餘
名正法賊決秦渠運道水阻須繞由西北行走
而王家高樓張家灘兩處回堡適當其衝十九
日劉松山飭各營猛攻王家高樓一面填壕獠

騰而上賊開門逃竄馬步各營分途掩殺逸出者無幾劉松山卽令李就山入據該寨仍親督馬步各營進攻張家灘兩寨行近堡前寨中踞賊拚死堅守礮石飛注士卒踰壕仰攻鏖戰良久始將兩堡同時攻破堡內之賊無一漏網朱家寨回堡見我軍大隊猛進卽向于家寨逃遁劉錦棠等乘勢掩殺徑抵于家寨寨中踞賊亦

相率西竄劉錦棠等急麾馬隊左右抄截步隊
從中路緊追賊無可逃盡由湖水溝鳧水而過
水深溜急得登彼岸者不過百數十人計殺斃
淹斃回逆約一千七百餘名生擒二百餘名張
家寨回日馬得潰亦經擒斬餘賊一併正法現
在陝回旣去金積堡賊勢已孤惟馬化澂屢以
甘詞乞撫陰蓄譖謀若非痛加勦洗必至貽患

將來劉松山已調花馬池定邊留駐之四營前往合隊以期早殄賊氛所有陣亡員弁請

旨飭部各照所保官階從優議卹

左宗棠又奏言陝回疊經官軍截剿敗匪麕集於新堡子地方九月二十一日陝安道黃鼎督隊進剿逆首馬鎮和等列隊抗拒官軍奮力衝殺立斃悍賊數十名賊卽奔潰黃鼎飭令所部

馬隊兩營追殺十餘里斃賊百餘名步隊搜捕
餘匪擒斬數百名拔出被裹漢回千餘名逆首
馬鎮和等勢甚窮蹙仍圖折回金積堡提督雷
正綰聞該逆有回竄之信當率所部於長流水
地方截擊殺斃悍賊二三百名賊向四百戶地
方竄去二十五日提督周蘭亭率所部馳至會
隊進剿追至黃河邊上橋地方甘回李應春率

賊千餘自西路回竄而東雷正綰周蘭亭卽率
隊分途截擊斃賊約數百名二十六日仍整隊
追勦行抵馬家河馬鎮和等率悍賊二三千人
回戈返鬪復被官軍擊斃數百名奪獲羸馬軍
械無數二十三日楊世俊馳抵會甯知陝回經
官軍擊敗復由會甯之郭城驛紅堡子等處紛
紛西竄於二十四日由乾溝驛繞出牛馬墩截

之適遇賊騎千餘護眷竄走楊世俊督馬隊掩
擊斬馘甚衆追至嶢口就地紮營一面飛催徐
占彪步隊前來會合二十九日楊世俊率馬隊
抵車道嶺探知賊將眷屬輜重移至漫窪站灘
一帶而悍賊踞甘草店大營川以拒追軍十月
初一日徐占彪率所部步隊至嶢口卽於是夜
合隊齊由車道嶺出甘草店賊列陣死拒官軍

整隊衝殺追至大營川收隊初三日楊世俊徐
占彪各率馬步分路追至高岩斃悍賊百餘名
賊由水家坡新營兩路敗走漫窪官軍蹙之陣
斬三百餘名及抵站灘地勢陝隘羣賊憑卡死
鬪楊世俊令所部從卡旁槍上徐占彪由山徑
抄出立斃悍賊五六百名賊由狄道向河州竄
去赴省驛道疏通蘭垣局勢自固

臣現今楊世

俊馬隊四營駐紮定安以兩營紮紅土窰徐占
彪步隊兩營輔之以通蘭垣之氣擬以步隊七
營紮會甯張會元等馬隊暫紮靜甯令黃鼎先
赴蘭垣附近擇要安營俟北路局勢略定再行
相機調遣規復河州甘回馬化澂餘黨馬萬春
等紛赴道員曾傳理處遞稟求撫良回李百寬
等爲官軍代購糧料遞送文書心頗誠服臣飭